

ii<sup>c</sup> lvij

i i  
s p

Testament de dam.elle cecilhe de carles

Au nom de dieu soit sachent tous presans et a venir que cejourduy **vingt septiesme** du mois d'**octobre mil six cens huit** environ le midy dans la salle basse de la **maison des h.ers a feu geraud andrieu** communement apellee **de pech naucquie** dans la parroisse de **manianac** vico.te de villemeur diocese de mo.tauban et sen.cee de thle soubz le regne de n.re souverain prince henry quatriesme de ce nom par la grace de dieu roy de france et de navarre pardevant moy not. et tesmoings bas nommes personnellement establie damoyselle **cecilhe de carles vefve aud. feu geraud andrieu** laquelle estant dans ung lict a lad. salle basse tout au prez de l'entree de la porte detenue de certaine maladie corporelle toutesfois en ses bon sens et memoire bien parlant voyant et presantement cognoissant considerant ny avoir rien de plus certain que la mort ny de plus incertain que l'heure d'icelle a voleu pourvoir au salut de son ame et disposer des biens temporelz que dieu luy a donnees en ce monde de son bon gré et franche volonte non induitte a ce f.e ceduite ny subornee de personne ainsi que a dit ains de sa certe sience a faict dit e ordonne son testament noncupatif en la forme et maniere que sensuit premierement par ce que les choses espirituellenes sont plus dignes que les temporelles icelles doibvent prefferer a recomande son ame a dieu le pere tout puissant le priant qu'il luy plaise la separa.on faicte d'icelle d'avec son corps la vouloir collocquer en son saint paradis et cé par le merite de la mort et passion de son filz no.re seigneur et redempteur jesus christ et par l'intercession de la glorieuse vierge marie sa mere saintz et saintes de paradis et veult que son corps soit ensepvely chrestienement au **cemitiere de leglise saint pierre de manianac** et tumbeau dud. andrieu son feu mary item veult et ordonne que le

.....

jour de sa sepulture soient convocques et apelles doutze p.bre messe chantans et cellebrans autres divins offices priant dieu pour la remission de ses offences ausquelz et a ch.ung d'eulx veult estre paie dix soulz sans refection et a celui quy dira la messe quinze soulz t.z et veult que durant la cellebration du divin office ensemble en portant son corps a a sepulture luy soient allumes six torches cire du poix ch.une d'une livre et que luy soit offert pain et vin item veult et ordonne que par neuf jours apres son deces luy soit ditte et cellebree une messe basse aud. manianac offert pain et vin et lumiere et que soit donne au p.bre

qui dira la messe cinq soulz t.z au bout desquelz neuf  
jours veult luy estre faictes pareilhes honneurs que le jour  
de sa sepulture comme aussy au bout de la n de son deces  
donne et legue a ch.ung bassin mendiant en lad. eglise de  
manianac la somme de vingt soulz t.z paiables dans  
l an de son deces / item donne et legue a **margueritte  
d'alandz filhe a feu francois et de finette de carles** quant  
vivoit **soeur de la testatrix** la somme de cent livres t.z  
une foix paiables par son hoire bas nommes dans l an  
de son deces et a **francoise et cecilhe d'alandz soeurs** a  
lad. margueritte et **niece** a lad. testatrix a ch.une d'icelles  
la somme de cinq soulz t.z une foix paiable dans l an  
de son deces et avec ce velt que ne puissent rien plus  
demander sur ses biens et heredite / item donne et  
legue a **theofile de carles** aussy son **nepveu** po(u)r tous  
droitz qu'il pourroit prethendre sur ses biens la somme  
de cinq soulz t.z une foix paiables par son hoire bas  
nommee dans l'an de son deces et moyen. ce veult  
que ne puisse rien plus demander sur ses biens / item  
donne et legue lad. testatrix a **helix melette femme  
d'arnaud andrieu** en considera.on des services receus  
la somme de trente livres t.z ne foix paiables

---

ii<sup>c</sup> lviiij

dans ung an apres son deces item donne et legue  
a catherine ... (*omis*)... sa chambriere outre et part le sallere  
que luy est deub par les hoirs dudit feu andrieu en  
considera.on des bons et agreables services qu'elle en a receue  
et reçoit journellement pendent sa maladie la somme  
de doutze livres t.z une foix paiable par son heretiere  
bas nommee dans huit jours apres son deces / item  
donne et legue a ch.ung de ses autres parens prethendant  
droit sur ses biens la somme de cinq solz t.z une foix  
paiables dans l an de son deces / et par ce que le chef  
et fondement de tous testamens est l'institu.on d'hoir  
ou hoirs et que sans icelle tous testamens sont ditz  
invalables a ceste cause lad. de carles testatrix  
en tous et ch.ungs ses autres biens droitz voix et actions  
quelconques ou que soient et en quoy que concistent  
a faicte et instituee son hoire universselle et generale  
et de sa propre bouche l a nommee et surnommee savoir  
est damoysselle **raymonde d'assolent sa niece femme  
a m(aître) jean de candolacy docteur et advocat** en la cour habit.  
de thle en considera.on et remunerera.on des bons ofices  
qu'elle dit avoir receus tant de sad. niece que dud. de  
candolacy son mary pour du tout f.e et disposer en faveur  
de qui bon luy semblera a ses volentes a la vie et a la  
mort comme ung ch.ung faict de sa cause propre a la charge  
de paier les susditz legatz debtes et charges si point en y a  
et de satisfaire entierement au contenu de ce testament  
lequel a dit et declaire vouloir estre son dernier cassant  
revocquant et du tout annullant tous autres testamens  
si poinct en y a de faitz le presant demeurant en son entier

lequel veult que soit valable par droit de testament  
noncupatif et si ne pouvoit valoir par droit de testament  
noncupatif veult q. soit valable par droit de codicille  
ou donation faicte entre vifz a cause de mort a jamais

.....

yrrevocable et par tout autre droit uz stil et coustume  
que mieulx pourra valoir priant et suppliant les tesmoings  
bas nommes par elle recogneus et nommes l'un apres l autre de  
se souvenir de son presant testament et volonte derniere  
et a moy not. luy en retenir acte et instrument ce qu'ay  
faict ez presances de m.es pierre dupuy simon delau praticiens  
habitans de villemeur / raymond dusaus filz a feu m.e guill.  
suivant la pratique arnaud andrieu laboureur d estarbacque  
jean malbert cordonier de vill. / barthelemy milhet filz natif de  
lavour a p.nt laboureur dud. estarbacque jacme roumaniac  
dit jacmetou aussy laboureur de villemathier tesmoings appellees  
soubz signes lesditz dupuy dulau et dusaus les autres ont  
dit ne scavoir et lad. testatrix n'a peu signer a cause de  
son infirmité et de moy

Dupuy, p.nt

Delau, p.nt

Pendaries, not.

Desaus